

PROCEEDINGS OF THE THIRD SESSION OF THE MIZORAM LEGISLATIVE ASSEMBLY HELD AT THE ASSEMBLY HALL FROM 15.3.73 TO 30.3.73.

2ND. SITTING ON 16TH. MARCH, 1973 AT 10. A.M.

PRESENT:

Pu H. Thansanga, M.A., B.T., Speaker in the Chair. One Chief Minister and Four Ministers and Twenty six Members.

BUSINESS:

- (1) Questions (Entered in a separate list to be asked and answers given)
- (2) Obituary Reference on the demise of Shri RAJAGOPALACHARIAR.
- (3) The Speaker to announce the names of Members nominated to the Panel of Chairmen for the current Session.
- (4) (a) The Speaker to announce the report of the Business Advisory Committee.
(b) Pu Ch. Saprawnga to move that the report of the Business Advisory Committee be adopted.
- (5) Pu K.L. Rochama to lay the report of the Rules Committee.
- (6) Discussion of Lt. Governor's Address. Pu Hrangia to move the Motion of Thanks on the Lt. Governor's Address.
(Discussion will follow)

SPEAKER:

(Bible a chhiar a) "A awn tak thu sawi hi Tangkaraw bawma rangkachak apple ang a ni. A tirtute ta tana palai rinawn tak chu Buh song laia vur vawt ang a ni, A pute nunna a tihharh thin avangin. Dawthaihmain roreltu thlem thlukin a awn a, Thu nem chuan ruhte a titliak thin."
(Thufing 25:11,13,15)

Hei thil danglam douh tawngna kan nei ta a. Mahni dawhkana Button theuh kha in press anga, helam Tapc-Recorder ah hian a kal dawn a ni; kan tawng dawn apiangin hria ila. Tunah chuan kim chang takin kan tawng a hriat leh theih tawh dawn a ni. Hotiang thil kan nei hi a lawmawm hle a ni. Tunah Pu Saitlawma zawhra kan bei nghal a nga, han chhiar sela.

.....(2)

PU SAITLAWMA: Pu Speaker, Question No. (a)-na, Khawngaih tak-in Minister zahawn tak Co-Operation Deptt. incharge in min. han chhang sela: Kun 1971 January atanga vawlin ni thlenga Assistant Registrarin registration Co-Operative Society-te dilna a hmuh zawng zawng zat.

SPEAKER: Minister concerned-in han chhang sela.

PU P.B. NIKHUMA
DY. MINISTER: Pu Speaker, a vain 161 a ni.

PU SAITLAWMA: Pu Speaker, ka zawhna No. 1 (b) A chung a sawi tak hun chhung hian Co-Operative Society engzatnge register a nih ?

PU P.B. NIKHUMA
DY. MINISTER: Pu speaker, Question No. 1(b): A vahn 40 a ni.

PU SAITLAWMA: Pu Speaker, Question No. 1(c)-na: Chung Society leh an awma hmun chu khawiah nge ?

PU P.B. NIKHUMA
DY. MINISTER: Pu Speaker, Co-Operative Society lish chu House dawhkanah dah a ni.

PU SAITLAWMA: Pu Speaker, ka Question No. 1(d)-na: Co-Operative Society Sawrkaron a register hnu hmun ber engnge ni a, eng niah nge ni ?

PU P.B. NIKHUMA
DY. MINISTER: Pu Speaker, Register hnuhmung ber 'chu Buarpu Service Co-Operative Society Ltd. a ni a, 29. 1.1973 a register a ni.

PU LALSANGZUALA: Pu Speaker, Supplementary question: Kan Mizoram Co-Operative Society hian hning mai mai a ti nge, hlawhtling ngei se an ti ?

PU P.B. NIKHUMA
DY. MINISTER: Pu Speaker, Society hi hlawhtling ngei se kan ti a. Tun hma a ni thenkhat te chu liquite tura tih an ni.

PU LALSANGZUALA: Pu Speaker, supplementary question- Co-Operative Society hi thil pawimawh tak a ni a, a bik a department lian deuh a sian ve awn tak, officer pakhat hmun dang 3 lai Director anga function Registrar angin a enkawl ve mai a ni a. Hetiang lek hian a hlawhtling thei dawn en ni. Sekar hian a neglect tihna a ni lawm ni ?

PU R. THANGLIAN
MINISTER: Pu Speaker, Director hrang neih loh thu hi sawrkar-in a ngai pawimawh a. Hei hi Officer indaih loh vang a ni a, ngaih pawimawh loh vang a ni lo. Tunah hian Mizo Officer, pawn a ni dap nek a ni a, chuvangin, a muang

chang mai a ni. Secretary pakhatin hna hnih/thum a kawp mai mai rih a ni a, tuomaw a hning vuah lo sign mai rawh se tih ang chauh a ni e.

PU C.LALRUATA: Pu Speaker, heta Co-Operative Society Register hi 40 tih a ni a, a vain engzat nge ni ?

PU P.B.NIKHUMA
DY. MINISTER: Pu Speaker, chu chu tunah ka chhang mai thei lo va. A then chu liquidate tur la tih loh an ni a. Chung chu Memberin a duh chuan pek kan la tum dawn a ni.

PU K.SANGCHHUM: Pu Speaker, Supplementary question: Mizoram sawrkarin Co-Operative Society a registered zawng zawng hi pawisa tanpuina kun 1972-73 ah hian a pe vek em ?

PU P.B.NIKHUMA
DY. MINISTER: Pu Speaker, an pe vek dawn nge dawn lo tih ka sawi thei lova. 21 hnenah Working Capital contribution pek tum a ni a, Society 16 chu subsidy grant pek tum a ni.

PU S/APLIANA: Pu Speaker, Saiha Service Co-Operative hnenah hian nikun khan Rs. 1,000/- pek tur tih a ni a, Mahse sorkarin tun thlengin fund a la release lo tih a ni a, hei hi a dik em ?

PU P.B.NIKHUMA
DY. MINISTER: Pu Speaker, a bik takin Saiha Co-Operative Society pawisa dinmun chu kan sawi mai thei lovang a. Anah erawh chu ram buai avangin heng Society hrang hrang te hi tha tak a an function theih loh avang loh he lai a an in nghahna bulpui ber Assam Co-Operative Apex Bank pawhin harsatna a lo tawk a, Silcharah shift a lo hih tak avangin enge maw zat, Society pawisa chu release lem lovin a awn a ni.

PU K.L.ROCHAMA: Pu Speaker, Eng basis in nge heng Co-Operative Society te hi register an pek thin ? Lunglei a niten an recommend a, chuni hnu ah pawh a pangual a la ni si! Mialthuan Service Co-Operative Society chu Lunglei Co-Operative thu nei tu sang ber ten an recommend a, mahsela recommend lohte an register hnuah an ni chu register loh an la ni tih hi a dik em ?

PU P.B.NIKHUMA
DY. MINISTER: Pu Speaker, a dikin ka ring. Kan registration kal dan chu a tlangpuiin khaw khat atangin dilna 3/4 lai te a lo lut a. Mahse pakhat chauh zel register tum a ni. Hnun lai li leh communication thatna deuh hunte thlir a ni a. A dil a piang pek zung zung mai hi a hun love, thlir zau deuh a ngai a ni.

SPEAKER: Zawhna 1 atan Supplementary zawhna chu a tawk a Question No. 2-ah kan kal ang.

PU SAITLAWMA: Pu Speaker, Lunglei leh Chhintuipui District-te tan Assistant Registrar hmun tur sian tunna sawrkarin a nei en ?

PU.P.B.NIKHUMADY. MINISTER: Pu Speaker, Nei e. Budget Estimate 1973-1974 ah hian Assistant Registrar hmun hnih- Lunglei leh Chhintuipui District tan sian tun a ni.

PU LALKUNGA: Pu Speaker, Point of Order, Department concerned hi official an awn tur a ni a, official lobbyah official tunah an awn lova, thilfel lo tak a ni ang.

PU SAITLAWMA: Pu Speaker, Supplementary Question: Hei hi True Copy a ni a. Asstt. Register, Co-Operative Society, Mizawi a min Lunglei a ni a thawna a ni a, chutah chuan "The Dev. Commissioner, Mizoram is also against mushroom growth of Co-Operative Society; he had advised not to register too many societies but a succesful few" tih a ni a. Development Commissioner hi Policy maker a ni en ? Engatinge hetiang a Mushroom growth of Co-Operative Society hi a duh loh ngawt theih ? Sawrkar policy a ni en ?

PU LALSANGZUALA: Pu Speaker, Supplementary Question: a Hlawhtlingte chauh register tur a nih chuan, eng tin nge min an tan dawn chauh a ni a, a hlawhtlin dawn leh dawn loh an hriat theih ang ?

PU R.THANGLIANA MINISTER: Pu Speaker, chu chu a dik viau va. A-laherawh chu Register dial hianin a tam ber chu tunlai hianin an dilna chhan chu sawrkar tanpuina an beisei vang a ni a zel a ni. Chuvangin, tuna kan Member zahawm takin a rawn sawi kha a dik khawp mai a. Min theihpatawpa an tih na na na chuan lo dan lo dan hi chu a dik lohna chin a awn reng a. An rawn dilna chhan a kha tunhna thil kal tawh atang a chhutin Register an nih veleh sawrkar tanpuina hmuah an tun deuh vek maqtlangpui thuin. Amaherawh chu, a nilo te pawh an awn thei viau anga, mahse, a tam ber chu a kal dan a ni ve reng reng a ni.

PU LALSANGZUALA: Pu Speaker, supplementary question: Co-Operative Societyte sorkarah an inngat lutuk tih hi a dikin ka hre thei lo. Heng lai a mite pawh hi kum tantak an beih hmuah tanpuina an hmu chauh a. Tanpuina an hmuah hmu pawh a la effective lo an nih fo chuan liquidate ni chauh zawk se a thalawm ni ?

PU R.THANGLIANA MINISTER: Pu Speaker, chu chu a dik viau va. Mi tam tak chuan sorkar tanpuina na beisei vang chauh

register an dil a. Mi an rawn dil chuan dal fo a dik lova. Tunhma a diltute khan an dilin tanpuina hmuh an tum nghal mai thin a ni.

PU NGURDAWLA: Pu Speaker, Policy chungchangah Khan - Khung State dangah khuan State Co-Operative Union an siam thin a. Assamah te pawh khuan State Sponsor State Co-Operative an siam thina. Instruction hrang hrangte an la khawm thin a. Chutiang State Level anga Co-Operative Society chuan Mizoram sawrkar hian State Co-Operative Union Mizoramah din ve a tumna a awm em ?

PU P.B. NIKHUMA

DY. MINISTER: Pu Speaker, Mizo Wholesale Co-Operative Society hi State level a din a ni a, tumah an thawk tan mek a. Hei hian a tul ang anga Society hrang hrang hnen ah material supply a tum a ni.

SPEAKER: Zawnah hun kan zo ta a. Kan tih leh tur chu "Obituary Reference a ni a - Rajaji - chung chang a ni a. A Life sketch sawi turin C.M. kan ko nghal ang"

PU. CH. CHHUNGA

CHIEF MINISTER: Pu Speaker, PU RAJAGOPALACHARI,

India mi ropui berte zinga mi, India mi Governor - General hmasa ber leh hnuhnung ber, India chawimawina sang ber Bharat Ratna (1954) dawngtu leh India Zalenna tur a sulsutute zinga mi chu, nikum (1972) November ni 25 khan kum 95 mi niin Madras damdawi in (General Hospital)-ah a boral a.

A chanchin tlangpui hetiang hi a ni: Kum 1879-ah a piang a. Kum 1900 atangin Ukil hna a thawk a. A hna kalsanin Ram zalenna sualin Politics-ah a lut a. Gandhi Lungin a tan chhungin "Mahatma Gandhi's Young India" a lo ziak a. 1921 khan Indian National Congress Working Committee memberah a tang a. Kum 1937-39 khan Madras Chief Minister a ni bawk. Ngaihnan inah loh avangin Congress, 1942 khan, a chhuahsan a; Swatantra Party a din a, leader a ni nghal a. Mahse, Pu Gandhia-an Pu Jinnah a biak tumin a tlangpui tho a ni. Tichuan, kum 1945 khan Pu Gandhi ten Congress-ah an sawm lut leh ta a ni. Governor General Council-ah te member a ni a. West Bengal-ah Governor anih hnuin 1947 khan Governor General-ah a kai ta a ni. 1950-ah Central Minister for Homes a ni a. Remna leh muanna kawng zawng tur a Gandhi Peace Foundation atanga mi pathum thlanchnuah zinga mi a ni; tichuan remna thu tlangpuiin khawvel hmuh pawimawh zual an fang kual a. Tin, ziaaktu ropui tak a ni bawk; heng lehkhahu ropui, Mahabharata, Ramayana leh Upanishads bakah lehkhahu tam tak Tamil leh English in a let a ni.

Tichuan, Rajaji Hall-a National Flag-a a ruang tuama mipui hmuh tura an dah hnuin, ni 27 Dec, '72 zing khan a ruang an hal ta a ni. India ram hian a chan nasa em em a ni. A awmna chu Naoroji Road, Madras - 31 a ni.

SPEAKER:

Le, midang a chanchin tawite a sawi duh in awm em ? (Member te an ngawi a) In awm lo a nih chuan tuna kan ngaihtlak tak ang khan mihlui, mi ropui tak, India in a chan ta a. Chuvangin kan tih theih tawk, keini pawhin kan entir dawn a, a thlarau chungchangah thuneihna kan nei thei tawh lova; a mah kan entawn a, a hnung kan zui ve dan tur te, a hna kan chhonzawm a tul zia te, chu chu kan tihtur a ni anga. Tin, chu bakah Zoram Dan siamtu pawl ten a mah kan uizia entirna tur leh kan zahzia entirna turin a thiltih te a hna thawh ropui tak tak te chu kan chawimawina ni pah fawmin a mah sunna kan nei ang a. Vawinah Mizoram Legislative Assembly ten ngei reng a sunna minute 1 chung kan nei ang a; (1-minute chung ngawi rengin an ding a) Awle, a tawk e. Kan Session chungah Panel of Chairmen tur te ka'n puang ang a. Rules of Procedure Conduct of Business Dan 9-na angin heng a hnuai a mi te hi - Pu Lalkunga, Pu Sapliana, Pu Ngurdawla leh Pu Vanlalhruaia te hi an ni a.

Awle, kan tih leh tur - Item 4-naah khan thildang a awm a, chuvangin kan Programme angin kan kal thei dawn lova, a chhan chu Business Advisory Committee (B.A.C.) in a lo ngaihtuah tawhte tih danglam tulna a awm a. Budget Presentation chu ni 20 a tihtur a ni a, mahse, sawrkar lamin harsatna an nei deuh va, chu chu thil thar tih belh tur a awm avangin a ni a. Ni 24-ah kan Present thei ang tiin an rawn sawi a. Chief Minister pawhin tawngkain ni 14 khan min hrilh tawh nghe nghe a. An harsatna kan ngaihtuahin pawm loh theih loh, hriatthiam loh theih loh thil a ni a. Item No. 4-na kha B.A.C. chungchang move tur a Pu Saprawnga kan tih kha kan ti bih lovang a. He mi sitting zawh, dar 12:35 ah hian B.A.C. rei lo te kan thut leh a ngai ta a ni.

Item No. 5-naah khan kan kal mei anga, hemi hi Rules Committee chungchang a ni a. Nikum (1972) ah Dan angin din tawh a ni a, Member 9 an awm a; Speaker chu ex-Officio Chairman a ni nghal a, chu chuan inkhawma wawi 3 an nei tawh a. Memberte pawhin a copy in nei theuh ang a. Hemi kan Assembly Conduct dan tur Dan chipchiar thei ang berin Mizoram tan thil a ngaihtuah tawh a, an lo draft tawh a, chu chu khand Rules Committee Recommendation kha Rules Committee Member pakhat Pu K.L. Rochama'n Table of the House ah han place(dah) sela. Member te pawhin a copy in neih theuh ka ring.

PU K.L.ROCHAMA: Pu Speaker Sir, I beg to lay the report of the Rules Committee.

SPEAKER: Copy kan sem kha in lo en theuh anga, ni 7 aia tlem lo sawi ho tur a awm chuan sawiho a ni ang a; Memberte lo study turin ka hrilh che u a ni. Tunah chuan L.G. Address discuss-na kan nei anga, Motionah amendment engmah a awm lova, Member Pu Hrangala'n han move sela.

PU HRANGAIA: Pu Speaker Sir, I beg to move that the members of the Mizoram Legislative Assembly, assembled in this third session are deeply grateful to the Lieutenant Governor for the address which he has been pleased to deliver to this House today, the 15th March., 1973.

SPEAKER: Tunah motion of thanks chu moved a ni a. A
second Pu V.L.Hruaia a ni a, han sawi ve
sela.....

PU VANLALHRUAIA: Pu Speaker, motion of thanks, Pu Hrangai'a'n
a move chu karawn second e.

SPEAKER: Motion kan chhian tak ang khan Motion chu
moved a ni a, Dan angin Second pawh a awm a.
A motion chungchangah debate kan nei nghal anga, a Motion neitu
Pu Hrangai'an han sawi huasa sela.

PU HRANGAIA: Pu Speaker, kan Lg. thusawi ah khan thil lawm
awm tam tak a awm a, thil tih tawh tam tak a
sawi a, hmabak erawh chu sawi a tam-lova. Thil tha tak tak tih
tawh min hrilh avangin a lawmawm ka ti a. Kan ram enkawlina tur
min buatsaih sakah hian hna ropul tak thawh tur kan neilin ka
hria a, chu chu ka han sawi duh a ni.

SPEAKER: Midang sawi duh apiang.

PU LALSANGZUOLA: Pu Speaker, kan Lt. Governor addressah hian
lawmna tur a awm-lova, Police Station 23 tih
beih thu a sawi a, nikum Budget Session ah recruitment siam a ni
tawh a, officer pawh select an ni tawh a, mahsela an la leh thei
lova. Chuvangin hei hi thil tihtheihloh tawp a ni.

Para 3-na han en hian kan sawrkar hian atten-
tion a pe tak tak-lova. Information ka hmuh dan phei chuan grant
te pawh a hunah release loh a ni.

Para 4-na: Nikumah 18 Crores pawh fumfe a hman
zawh a ni-lova, chuvangin kan administrative machinery pawh hi
a dik lo a ni. Budget lehah phei chuan tun aia tlem kan hmuh ka
ring a ni. Ka Constituency atan plan scheme tam tak siam a, ka
Bialah hian Mizoram mipul 3.33% an awm a. Mahse ka dil chu 43%
ang hu chauh a ni a, chung te chu engmah sanction a awm ve-lova,
20 new city Blocks hi a tha hle chungin a hman te hi political
point of view a dah an niin a lang thin a. Entir nan Darlungte
pawh Reiek ah dah a ni.

State Transport hi N.E. India ramah a success
vak-lova - Assamte, Nagalandte pawh an hlawk-lova. Assam phei
chuan kum khat chungin Crore 1.07 lai a hloh a sawi a ni. W.Beng-
alte chuan Mini-Bus Serviceah hian lakhs engnge maw, ti an hloh
va ni. Hei hi private enterprise tiduh an awm phawt^{chuan} tise a tha
zawh ang, a motorte hi a chhe hma hle si a. Taxi Service te pawh
kan siam a, mahsela a hun an vawng regular silo. Chuvangin he
State Transportah hian Confidence ka nei lo a ni.

Para 5-na: A thuah chuan impressive hle a,
mahse "Thawnthu hlui chu min hrilh rawh" tih ang a ni. Secreta-
riat lovelah vek ti ila ka duh a ni, EGS schemeah hian partiality
a tam em em bawk a ni.

khat

Para 6-na: All weather road melawh pawh PWD in an la siam lo hi a mak a ni !! Division 3 siam belh tur tih a nih lain keini chuan Houseah Division 2 tan Budget kan discuss a. Nikumah khan kan discuss mahse a dik lo a ni. Water Supply scheme pawh nikumah sawi a ni a, mahse tih zawm a nih chuan siloh chuan a tha chuang lovang a. Ka Bial hi Congress Bial a nih vang emawin tui pawh kan hmu regular thei lo. Electrical Division an create ka lo hre lo hi bengwar lo ka inti hle a. Tunah hian Bangla Desh leh Maghalayaah kan in nghat a, hei hi a tha tawk lova Board kan din ve phawt a tui a ni.

Para 8-na Air fed Centres hawn a ni dawn e a ti a, hmar chhak lamah te Air Fed Centre a awm lova, Communication tha a ngai a ni.

Para 9-na: Hei hi Sawrkar mualphona a ni a. Khawvel ram khawiah pawh Insurrection awmna hmunah chuan hetiang hi a awm thin a. Hetiang hi kan sawrkar in a veng him lo lo hi a mak a ni. Hetiang thi hi awm ngei ngei turah kan ngai tur a ni. Power House incident hi Sawrkar mualphona a ni. A tawi zawngin - he address hi sawrkar mualphona laihianna leh Lt. Governor-in thup a tumna ang lek niin ka hria a ni.

PU LALKUNGA: Pu Speaker, helai thuah hian lawmthu sawina tur a awm lova. Kan ram tan a hna pawimawh zual chauh phuhruk an tum niin ka hria a, a zahthlak hle a ni. Mamawh zawng zawng tih hun tawh nak alai a a mawipawh zual chauh tih tum chu chin tam loh chi a ni. Tin, Tui harsat thu hi vawi tam tak sawi a ni tawh a. Chutih lain PHE depts. file-in PHE Secretary dawhkan a la thleng lo reng reng tih thute pawh kan Chief Minister ka hrih tawh a. Chuti chung pawh chuan engmah a la sawt ta chuang lo a ni a, a mak hle mai. Tin, Chini te pawh hi thingtlang khua chu sawi loh Mizawlah tak ngial pawh kan ngei thin hi chu a mak a ni. Silchar leh Mizawl a Supply Office-a thawk an tlem vangte pawh a ni mai thei a. Helai hi Sorkarin lo enzui deuh sela ka duh a ni. Tin, food supply thuah ka bialah khu chuan Head load rate a chhe lutuk a, mipui tan phurh ngaihna a awm lo. Tunah Phuldungsei ahte, Kanghmunte chuan Buhfai a la awm miah lova. Director ka bia a, pawh pawh ka siam a. Mahse ka rawtna tam tak tih loh a ni a. Kawng kan neih that hma hi chuan air fed centre lo ni thin hi chu thlawhna a thlak leh ngei chi a ni. A thlak theih loh hunah thlak tirin tum leh si ang e, a tlai lutuk tawh si ang. Chuvangin he tiang thil awmzia nei lo tak a tih hi a hun lova, thar thawh leh ngei nise tih chu ka duh dan a ni.

PU CH. SAPRAWNGA: Pu Speaker, kan Lt. Governor thusawi, hemi House a thu a rawn sawi hi a lawm awm viau ya, a tam takah hi chuan. Amaherawh chu thil pahnih/khat han sawi ve hlek duh ka nei a. Pakhat ah chuan Paragraph 5-na hi Agriculture lam deuh hlek a ni a. Heti laiah hian Agriculture hi Session hmasa atang tawhte pawhin kan ngai pawimawh am ngaih pawimawh loh theih pawh a ni lova. Kan Zoram hi Agriculture ram a ni a, a tulin a pawimawh reng a, chuvangin, a top priority kan pek a kan ngaihtuah a tha a. Amaherawh chu, tuna kan Agriculture programme ah hian engmah kan ang leh lawi lo mai awn mange tih ka hlauva. Land Reclamation tih te leh Irrigation tih ah te hian kun tinin pawisa

a ral teuh teuh mai a. Agriculture lamah hian hma kan sawn thei reng reng lo mai a. He lai a ram Acre kan reclaim ang a tih te chu a reclaim a te pawh hi a tam zozai tawh a, a figure ah chuan report a tam thei viauva. Mahse, a buh lam a chu a tam chuang bawk slova. Chuvang chuanin ha laia figure pawh hi eng chen nge maw kan rin ang a kan rin loh dawn ka hre chiah ngam lova.

Amaherawh chu, kan sawi duh ber chu kan Agriculture ah hian Scientific takan ngaihtuah a ngai a. Labour te pawh kan mechanise a ngaiin ka hria a. Agriculture improve kan tum dan hlui ang tlem a finances provision lian dah chho ringawt chuanin Agriculture chu kan improve dawn lo. Labourte pawh chu han sawi lanna a awm lova min ti lungngai deuh va, pawh ka ti deuh hlek a ni. Tin, pakhat leh chu Pu Lalsangzualan a han sawi, Power House an bomb thu a han sawi kha ka thlawp a. A hmain Flag an zar dawn tih te pawh Chanchin buah te an chhuah thei a. Sawmi thil pawimawh tak mai saw Santry pakhat an ventir a, an kap a, a silai an chhuhsak leh nghal emaw ni. Kum dangah pawh an (MNF) Independence Day dawn lai chuan a awm zeuh zeuh va. Hetia Santry pakhat. Power House an ventir chauh mai hi a dik lo a ni.

Vanneih thlak takin a khawlpui a kang lo hlahv va, kang phei sela chu a puak ang a, a vel a mite pawh an thi teuh thei a ni. Hemi hi khawilaiah nge a Failure? C.I.D. ah nge Police lam ah? Hei hi khawilaiah nge a failed tih zawn chhuah hial a ngaiin ka hria. A risky lutuk a, ka han thlawp a ni.

PU ZALAWMA: Pu Speaker, Lt. Governor Address kan discuss ah hian motion of disappointment tih tlak hial anin ka hria a. Kan ram develop a tulzia kan hria a, he lai a a sawi hi sa tah chhuak pek ang chauh a ni. Mipui chan chu 6 Crores chauh a ni a. State indang tir under-developed kan nih kan hre Chiang a, Communication ah te tih tur a tan a, expansion siam a ngai a ni. Assam State temporary Capital sak nan pawh Rs. 5 Crores vel sen a ni a, hetiang lek mai kan han nei hi idea engmah a awm lo ni berin ka hria, A speech spirit hi a vague riauvin ka hria a, a hlan chhiah nge, a tih tir te dik loh vang - Kumin ah find provision kan neih dan hian Administration a fail Chiang hle tih a tilang a ni.

23 Police Station hi khawiah nge an dah dawn? Nikuma an recruit tawhte khan an service an zawn tawh em? Re-Organise tur a tih a ni a, a ram leh a felna kan zawng hmasa lo hian thil a tifel lo. 71 New Administrative Centres tih a ni a. Recruitment ah sawi duh ka nei a. Engnga ting interview chauh an koh? Favouritism a prevail a ni. A area te pawh then fel vek tur a ni. Hetiang chuan discipline pawh a maintain theih lovang, Ministerah bawk an tlan leh thin ang. State dangin engtin nge thil an tih te pawh kan ngaihtuah ve tur a ni. Vai tam tak Deptt. Head ah kan dah hi a pawh a ni. Pawl sawi lovin i tang ho ang u.

Kan fund hi Plan Scheme-ah Committed fund 5 Crores chauh a ni a, Pu Rawnga sawi ang khan Agriculture Deptt. hman khawp lek a ni. Hna thawhna tham a ni lo reng reng, Plan tur kan ngah si, Secretariat pawh kan la nei lova. Mizawl town atan

Super Plan a ngai tawh a ni. Planning Commission-te pawh kan dawr in a hma kan lo Committee tawhnaah te in nghat lovin kan i tur a ni lo.

He Budget hi satah chhuak pek ang lek a ni. Pu Hrangala hian "Vote of thanks" hi a awzia zuk hre chiang sela a ti duhin ka ring lo Communicationah chi tam tak a awm a. Kan uar ber tur chu Road Communication a ni tur a ni. PWD 6 Division ah 3.70 Crores chu insen ta ila kawng laihna tur chu a tlem hlein ka ring. Kum kal ta khan building lamah hna a chak viau va, mahse kumin a tan chuan a tlem hle a- Paron thlalerah kan tal tan niin ka hria.

Primary teacher hi nikumah sawi ho tawh a ni a, "In progress" tih hi engnge a awzia ? (Pu Saprawnga: Nikun a , mi a sawi a nih kha) Chuvang takin a ni mak ka tih ni !

8 Para: Chaw hi kan mamawh a, Agriculture loan ah khan loan latute ei nei bawh silo te eipuk Sawrkabin a phal tawh lo tih tih tawp vat tur a ni. Head Loadte Govt-in a siam a, mahse an supervising authority atan hian an thisen zawmpuite ngei hman ni sela - M.K. Guha te Chhote Lal ten an eiral te kha Aizawl pa 10 pianthar na tham a ni ! Silchara kan officer pakhat pawh kan ram tan Silchar a Mizoram House ram lei turin an ti a, Mahsela Sawrkar ta tur a nih avangin eive tunin a man a fix ta a ni. Inualphona hi kan duh lo a ni.

Law & Order hi kan maintain tur a ni. Security lamah kan Sawrkar a fail hi pawl ka ti hle a ni. He Speechah nian disappointment tam tak ka nei a ni.

PU J. THANGHUAMA: Pu Speaker, nininah kan House-ah kan Lt. Govern- or-in thu a sawi a. Nikun a sorkar thil tih tak leh tih a tun dan thu a sawi nual a, lehkha pheh hnih/khatah ah a khung zo thei mai a. Hemi thuhh lawnthu sawina motion of thanks, ruling party ami Pu Hrangala a rawn moved a. Hei hi ka hnial a, motion of face saving device ka ti ve thung a ni. A Bul avangin han chhut ila, A.O. 71 lak thuhh exanna pawh awn lova lak a ni a. kan hriat dan a dik chuan A.O. appointment hi siam a nih hman party pakhat office ah chuan select list hnuh theihin a awm tawh a ni. Hetiang hi political appointment a ni tih a chiang a, chin loh atan a tha a ni. Tin, Pawl, Lakher leh Chakma District-tan Devel- opment kan theihtawpin kan thawk ang tih hi an pawisa Sawrkabin a hren sak avangin an in develope na tur theihtawpin kan hren sak ang tihna angah ka ngai a.

Tin, Bus thar man hi Rs. 60,000/- vel niin ka hria a. Mahse kan sorkar Bus lei nan hian Rs. 70,000/- vel san a ni a. Hei hi engtizia nge ? Kan hotuten lo chhui sela ka duh a ni. Tin, Buhfai supply thuhh retailer ten bankah Qtls. 10 man an depe- sit a, chh chu Chalan lak chhuah hnuin Qtls. 20 ti tein an correct leh a, tichuan 10 Qtls. chu man lovin an la thin tihna a lo ni ta a. Hengte hi engtizia nge ni ngai ? Pawisa pelova draw chhuah ngek ngek theih mai ni. PAC, Assam an lokal khan cheng Vaibolch- he ruk vel chu a hmanna hriat loh an hmu chhuak a, chu chu mipuiin

kan tuar a ni, A tisuat tute hrem nise, kudam lam enkawltute pawh enzui nise. Tin, he thuah hian thubuai pawh a awm mek niin ka hria a, thil sual titute hum tum hi a dik lova, kan Ministry lam hi a fel lo niin a lang ber a ni. Hmanah pawh buai a awm tawh a, Ministry pawhin buai a ni tih a pha lo a, mahse engmah bawhzui a ni lo a, A bikin kan Supply Minister hian lo chhui chhuak ngei turin ka ngen a ni.

Tin, dandawi lamah pawh kan Sorkarin tan lak an tum hlein a lang a, mahse rin ang he hu a ni leh dawn lo emaw ni? Nursete pawh Crouping Centre a thawn turin an la a, an thawn leh thei meuh dawn lo a ang hle. Aizawl a awm sa te pawh thawn chhuah tum ni a kan lo hriat lain Kolasib a nite chu Aizawlah an la lut ang lawi bawk si.

Tin, Civil Hospital-ah nursete pawh an biak a nuam a, damlo eite pawh a that deuh dawn lain dandawi lam a awm lo ve thung a, in lei chawp a ngai fo mai a. Chutih lain dandawlin compound chung velah lei a lei tur a awm thei mai bawk si te saw a mak a ni. Kan Health Minister hian dawhkan atanga thawk mai lovin a hmanah va en ve se, hrem tul an awm chuan hrem ngam bawk se ka duh a ni. Tin, thingtlang lam a thawnchhuah tur dandawi parcel thawn lohva a intiang erh urh hmuah saw a nuam lo em em a, an department in an phur chhuak thei lo a nih chuan contract pe mai sela, nurse pawh an awma turah dah thuai ni ngei se.

Tin, Agriculture lamah seed distribution a tan pawisa tam tak sen a ni a, a la hlawhtling lo fova. Bakhla chi a tan changel lo supply tawk an lo awm vei thin aan, engkim mai hi enzui a ngai a ni c.

Tin, Tui thu hi Aizawl South member-in a sawi tawh angin tui buaipui tur ringawtin ni 2/3 rawih a ngai fo mai hi PHE lam in tan lak a ngai a ni. L.P. School Teacher an la la fel thei lote hi mak ka ti a, Tuna an lak examna pakhatna kha kan Congress party lam ni a nih avang emaw ni an ringhlel a, vawi 2/3 lai an kova, an exam mawn tir a, mahse a lo thiam ngang si avangin an appoint ta nge nge a, Mahse chhangche nu a nih hre reng chung, in thingtlang - Khawzawlah an dah ta daih a nih kha. Mark hmuah sahi indawt a appoint an nih leh loh fish nan kan Minister hian an marksheet a tarlang ngan em? ka challenge e, Tin, thlawhbaw L.P. Schoolte hi recognised ni ve thei se. Hei hi thil tul tak a ni, Minister pawh ka ngen nghal e. Agriculture loan heti tak a rual lova an sen hi a mak e. A neinung apiang tan ruh hun tur a sei a, a nei lo zawk ten rang tak a ruh a tul si a. Hei hi a fel lo a ni, extend sak tur a ni.

Thil pakhat Silchara Transport Office atan a Steno Grade I Aizawl a thawk thin Vai an dah mai khu a mak a. A.T.O. a lo thawk thin Mizo pawh awm reng siin. He hmun ah hian midang dah nise ka duh a ni.

A tlang kawm nan Pu Speaker, kan L.G. Address hi pheh hnih lai chu a ni nain thil tih tur sawi si lovin tih tawh chauh a sawi a. Agricultur lamah te pawh figure chu a sang hle a, mahse figure aini a tak a pawimawh zawk a ni.

PU CH. SAPRAWNGA: Pu Speaker, Ju J-a hian Vote of Thanks awmzia a hre lo tlat mai a ! Lt. Governor-in helai a address a rawn sawi hi "A lawmawn e" tih thu Pu Hrangaiian a sawi mai a ni.

PU NGURDAWLA: Pu Speaker, kan Lt. Governor address hi a lawmawn tlangpui ni berin ka hria a. Ka hmuhdanin kan Lt. Governor hi a tui vak lovin ka hria a - Republic Day a a sawi aain a chhe zawkin ka hria, "Rome was not built in a day" tih a ni a. A figure ringawt hi chu tha ka ti a, a thu erawh hi chu a phelh deuh ren rumin ka hria. 1 Crore lai kan CM-in a lo sawi pung hi a lawmawn hle a ni. He thusawi chiang lo tak hian opposition lamte pawh a ti chia i a nih hi.

Electric Power lam hi sawi ka duh a, Assam Electricity Board-in he electric hi min rawn pe thei dawn lo niin newspaper ah a lang a. Chuvangin kan siam ve a tul ta a ni. Tui kan nei a, kan khuap ang a, Industry tam tak kan nei thei dawn a ni. Chu ti a nih loh chuan engmah a tih theih lovang. Hman zarah pawh Cinema kan en ve a, mahse light a tha lova. Chutichuan kan tum hmasak ber tur chu lui khuah a ni a, project kan siam a ngai dawn a ni.

Kan indenna tam tak hi kan tanruah loh vang a ni. Ropuichhipah ka zuk kal a, in hman semin min lo sawi mai a. Lt. Governor beng hial a lo thlang a. Allotment a awm chuan cancell turin an ti a. Documentary proof hi a awn tur a ni.

A.O. Appointment hi kan sawi kan sawi a, ka bialah pawh party sawi lovin ni pakhat ka recommend ve a, a tla leh ta a. Thildik lo hian min kal khun daih mai a ni - Ministerte pawh chutiang chu a ni.

Local Administration chung changah pawh Home Ministry beng a lo thlang a, chumi hnuaah a lo let leh a hi awn e. Kum 1 pawh kan la tling lova, vai thenkhat hnathawh dik loh avang a kan insawisel chuan a dik lova, kan ram tan a thawk duh lote chu kan hnawtchhuak zel mai tur a ni. Mahsela tun ah hian kan tang tlang em ? In puh tawn mai mai lovin i tangtlang ang u. Transfer chungchangah pawh a dik a kan hriat chuan i in hrih mai ang u - chuti lo zawng Bengal din hnunah bawk kan lut leh mai ang a, Zoran hmangaih a lo chhuak Memberte hian tin tak neuh va Mizoram siam i tum ang u. Mizoram hi kan hmangaih em ? Mipui nge kan khel, Mizoram tan a thawh ! Mizoram pum pui hi siam i tum tlang ang u. Chumi pawh tih hma a kan in sawisel vak hian ram siam tumna spirit a awn lo niin a ngaihtuah theih a ni.

PU K. SANGCHHUM: Pu Speaker, LG-in he House zahawm tak a a thusawi a lawmawnzia, a thatzia sawi theihna hun kan nei a. Member thenkhatte han sawi kha chu sawi ka tum lova, ka ngaih pawimawh deuh deuh ka sawi dawn a.

Nikum (1972-73) May thla a a sawi leh tun tum a a sawi nen hian a dang deuhva, nikum a a sawi angin a sawi huai lo. Nikum kha chuan theintawp chhuah a tum thu a sawi a. Kumin a a thusawi ah chuan Development lam tlem a han sawi a, sorkarin a

a thawh tawhte chu tarlang sela chu kan var uar uar mai tur.

Tin, Police lan a han sawi kha - "Central lan in lo tawp rih rawh an ti e" a tih a ni a. Tunah hian tlangal thate rilru a tidanglan em em mai a. Rangkachak Khum hnuaiah dah ila, thuhmun a ni, hman a nih chuan siloh chuan.

Tin, appointment chungchangah hian A.O. 71 lai chu appointment sian nek a ni a. Heng an siante hi khawi lai lai ah te enaw chuan an thawn an ka hriat dan hi a dik a, mahse an sawn zolo a ni. Hengte hi nikum lan daiha ni a ni tawh a, engnge harsatna an neih a, engatinge an la sian zawh loh? Hengte hian mipui chu nasa takin nin ti harsa a ni.

Tin, Block chungchang a han sawi a, nikum Budgetah pawh helaia ni zogai hian kan Vote kan pe a, kan ti hlawhtlinga. A tak tak kan mamawh a, a ziak ngawtah chuan kan lungawi tawh lo a nih hi !

Tin, Supply lan han sawi leh hlek ila: Airfed Centre chungchangah hian Mizoram Chhin leh Hmar, Chhak leh Thlang han enin Airfed chu sorkarin an zawl lo. Entirnan :- Tongkolongah chuan a awm lo, dawt a ni. Tunah hian Headload vek a la ni, mahse, sorkarin thaber nia a ngaih chuan a tha e, "Chumiah chuan kan chhek erh-urh" an ti a. Kolodyne kual velah buhfai an dah lo reng reng a, Guard pawh an dah bawh hek lo. Tunah sawn Kg. khat pawh a awm lo a ni. Thlawhna in a thlak tawh bawh si lo. Sorkar hian mipui min hrek hlun chauh en ni an tun? "March thla chhung in kan chhek ang" an ti a. Mahse, an chhek silo a ni, mipuite chu thi tura inbuatsaih chauh kan hmasak a ni mai. Tuna LG address hian Mizoram tam tak a ngaihtuah lo a ni.

Tin, a tawp bera tan chuan Tui thu hi han sawi leh lawk ila: State dangah chuan tui lamte chu an nei tha em em mai a, mahse, keini Khawpui berah pawh a harsa em em mai. Thingtlang lam te phei chu han thlir ila - PHE hi "For the time being" in an awm lo em ni? Tan khawh deuh se a lawawm ngawt ang. Pu Speaker, Chhintuipui District hi sawi loh theih lo a ni a. In thlanna kha "Free and Fair" an ti a, Pu Lalchunga Chinzah leh Pu Manghnuna pawlte an ni a. Annahni chu Congress pawl ve ve an ni a. Ramhnua mi intiin "K" Battalion kan ni an ti a, hemi te hian Pu Lalchunga Chinzah pawl in Vote loh chuan in khua kan hal ang a, mipui in tuar bawh ang" tiin mite an vauva, Chuvangin Free and Fair a ni thei lo.

SPEAKER: Pu Vanlalhruaia a ding hmasa a, tunah han sawi sela, chumi zawhah chuan Chief Ministerin conclusion han sian sela - Pu Hrangaiia: A move tuin sawi leh ka duh a) - Hei tih tur pawimawh tak kan nei a. - Pu Pachhunga nupui ruang a awm a, Pu Lalhmingthanga pawh a lo kal thei lova, kan va tawiam a tha hle dawn a. A tha a ni lawm ni? (Memberte: A tha e)

PU CH.SAPRAWNGA: Pu Speaker, Business Advisory Committee a awm dawn a. Chuvangin kan Chief Ministerin sawi sela tawh tawh mai se a thain ka ring a.

SPEAKER: Mi sawi hnu sawi lossala ka duh a, Pu Hruai'an han sawi phawt sela.

PU R. THANGLIANA MINISTER: Pu Speaker, Chief Minister chauh em ni i phal? Midang i phal dawn lo em ni? (Speaker: Phal tho ve). Dar khat thleng chu a va tawi awm ve ka ti thova ni. (Speaker: Han sawi phawt ula).

PU V.L. HRUAI'A: Pu Speaker, kan LG. hian thil thar a sawi lo va, a thusawiah hian lawmna tur a awm leh awm loh thu niloyin kan House a rawn address avang zawkin kan lawm niin ka ngai a. Nikum budget-ah khan Rs. 9.40 vel ruahman niin ka hria a, tunah Rs. 10.43 a lang a. Engpawh rise he lehkha te tak te ah hian Sorkar thil tih tawh leh tih tun kim chang takin a lang sang lo reng reng a. He pawisa ruahman hi duhtawh chiah lo mah ila lo kalh mai chi niin ka hre lo. Kan opposition lam khan an lawm lohna an ti sang hle mai a. Kan zoram sorkar chu Union Sorkarna a nih avangin kan Sorkar (Central) hian a pui lovang tihte a ri a. An thusawi han ngaihthlakin kan Central sorkar khuan hleih nei viauin kan Zoram sorkar hi a enkawl tha duh lo emaw ka ti deuh hial a. Kan Opposition leader thusawiah khan kan ram Officerte hi tam tak chu Vai an ni a, hei hian harsatha min sian a ni a ti a. He hi a dik a ni. Kan ram hian District Council kan neih lai ai kha chuan hma chu a sawh hle mai a, kan thang hle tih chu a Chiang a ni. Pu Lal-sangzualan 'Hman sen loh tur Budget sian' a tih kha a dik a ni sawk mai lawm ni. Tih tur a tlem a nih chuan tih tawh a tam a ni mai lo maw, kan lo thlir zel ang chu. Kan Lg. ah hian kan innghat ngawt tur a ni lova, theihtawpin kan tang ho zawk tur a ni. Tan tlan leh tan ho kan zir tur a ni. Chu chu ka han sawi ve duh a ni e.

SPEAKER: Minister lam atangin sawi duh an awm ang a, han sawi sela. Pu Hrangai'a kha a hnuhnung lamah ngo i sawi duh, tun ah? (Pu Hrangai'a: Pu Speaker, tunah hian) Tunah a sawi duh a ni ang e.

PU HRANGAIA: Pu Speaker, helai'a kan L.G. thusawi chung-changah vawin a lawmthu ka rawn sawina - Pu Zalawma khan, "A hre Chiang lo a ni ang e" a ti a. Ka hre Chiang khawp mai a, an mahni tan a ka lawmna a ni a. Hman Session hmasa ah kha chuan Suit non alo kal a, tunah erawh chuan Lukhum Var nen a rawn sawi a, a lawmawm khawp mai tiin tawi tein ka rawn sawi a, ka rawn hawng a ni.

Kan ram a High School tam tak te chu Deficit Systemah an lut a, Primary Schoolte pawh Govt. school a dah an ni ta hlawn a. Tin, Dandawin lante pawh T.B. Dandawin khum 50 lai awmna tur puah chah a ni a. Kan duh thusam ang hi chuan awm thei dawn ila chuan engtin nge kan awm dawn tih pawh a hriat theih loh va. Tunhma lam a kan awmdante nen khan khaikhin fo a tha a, kan kal dan turte hi ngun deuhva kan ngaihtuah loh chuan kan pen dik lovang tih a hlahh awm a ni.

(27).....

Tin, opposition lam khan - A.O. leh L.P Teacher appointment te kha an han sawi a. Heti lai, opposition lama an thut vang ngawtin sawisel tur enin an en mai mai niin a lang. Kei chuan A.O. te chu pakhat pawh ka hre ve lova, anni chuan an lo hria a, Political appointment ang zia-zangin. L.P. Teacherte chuan an exam tawh a, mi 3900 lai mai hming leh an mark hnuh zab han tar chhuah chu Amrita Bazar Patrikate leh Stateman chanchinbu te hian kan rawih loh chuan Pu Thanghuana hian thute a sawi that thin leh lul vei nen, tuntumah erawh hi chuan a rak mai mai lo viauwa, nidangah te kha chuan a pawng rak mai mai thin a !

SPEAKER: Kan titawp dawn tawh ang a, Kan Minister lam te tan hun pe ila a tha ang.

PU R. THANGLIANA
MINISTER:

Pu Speaker, kan Ig. thusajah lawmthu leh sawi selna a ri hle a. Engpawh nise kan ram hmasawn danah Pu Hrangia sawi ang kha kan tih dan tur a ni. District Council in kan awm a, kan vui thin reng a. Mahse tun hun rei lote chung a kan awmdan kan chhut loh chuan sawisel tur a tam hle reng ang. Development thua vawikhat a pen puk theih a ni lova, India pawh kun 25 lai a indan tawh hnu pawhin a la changkang tawh lo hle a ni hi. Pu Sangzualan 'C.D. Block hmun 20 lai hawn tur a tih tawh tun thleng pawh a la hawn loh' a tih hi sub-division theuh ah eng ang a dah tur nge ni ang tih Central lam a tanga an la rawn enfel hnu a tih tur a nih avangin la tih fel theih loh a ni a, tin Block khatin pawisa Rs. 1.06 lakhs chauh kum khat chhungin a hrang thei a. Hei hi All India pattern a ni a, kan tih zung zung chuan scheme awm hmain block staff te pay ah a ral mai mai dawn tihna a ni a. Chuvangin kan la nuang deuh a ni. Member ten min hriatthiam pui ka duh a ni.

State Transport thus. Bus man thua khan thil dik lo a awm ang tihngaihna ka hre lova. Tin a fare te pawh hi private-in run ta sela, hnia thei zawk ang em? tihthe ngaihtuah a ngai a. Private a tih hi a dikna chin chu a awm ang, thingtlang miten engnge an chhawp zawk ang tihthe buk a ngai a. An harsatna sutkian na hmanrua a nih rin avanga hei hi sian a ni a. A hlawk emaw hlawk lo emaw, mipul tan a tangkai chauh a tha a ni mai a ni.

Centre thenkhat buhfai a la awm lo tih te pawh hi a dik ang. Thingtlang khaw ril deuh ami ten inhlawhfakna a n neih theihnan air drop hi tihawp a ni a. A phurh nante hi han ti sang dawn ila, buhfai kan a to ve zel dawn a. Tunah pawh hian Central-in min subsidise lose chu buhfai kg. khat man hi Rs. 6.25 lai a ni ang. Chutianga a leina tur a san dawn avang chuan Air Drop hi ti tawp a a phurh dan chi dang lo ngaihtuah turin Central lamin min rawn rawn a ni reng a ni, chutiangin head load hi ruahman a ni ta a ni. Buhfai phurh kan hi phur khat Rs. 5/- a ni a, haw lam(ruak)-in Rs. 2.50 a ni leh a. Hemi rate hi lo ti sang dawn ila thil dang manin a san phah ve leh dawn avangin he rate hi tih danglam tul lova ngaih a ni.

Retailer thil tih dik loh sawi kha a dik a- Tun ah hian Aizawlah Retailer 34 vol dah an ni a. Chung zinga thenkhat

te chu account an vawn that duh loh vang nge an thiam loh vang check theih pawh a account an neih loh avangin ban an ni a, Tin, pawisa dah lovin buhfai an la, chhuak tih pawh hi a dik ang. Bank hian hna an zo lo deuh a. Nilainite pawh hian Retailer ho hian pawisa an la deposit thei ta thin lova, tin treasury lam atanga dik lo te pawh a awm bawk. Tin buhfai phurh hi hman tan takah head loadin a tih theih loh tih te pawh hi a dik ang. Khawi khawiah eraw chuan sipai awm loh vang a buhfai dah ngan lohna a awm a, hengah hian department in harsatna an nei a ni. Pu Lalkunga leh Pu V.L.Hruaia bialte hi chu an han sawi ve tak na a, a ngaihtuah awm lo (berte an ni a. Chhintuipui District saw a ngaihtuahawm ber zawk chu an ni. Engpawh nisela kan harsatna hi vawi-leh-khata han sut kian duak duak mai ni a ni lova, zawi zawi chuan hma kan sawn ve hret hret zel a ni tih hi Memberte min hriatpui ka duh a ni.

Agriculture department thute in sawi ri a. He miah hian sorkar chauh kan dem thin hi kan ti dik bik lova, mipui lan hian kan zir a tul a ni. Bakhla chi supply turin changel a supply tih thute hi thil awm thei a ni, thliar hran theih hauh loh an ni a, a supply tu-in thil tha a duh leh duh lohah a inngat zawk a ni. He tiang a nih chung chuan development a kal chak thei ngai lovang. Kuminah pawh Tai chi supply turin zawn a ni a. Chung an thian chuan buh si leh buh chi tha lo te an supply chuan sorkar ni lovin mipui lan dik loh a ni ang. Memberte thu tha tak takin sawi a, a then phei chuan in uar lutuk eraw tih awl a ni. Heng kan ram tana hman hrang hranga pawisa hmanthe hi dik tak a hman a nih chuan tangkal tharna ni tih hi hriat tur a ni. Chuvangin mipui te hi a dik thei ang bera hnathawk turin i fuh ang u.

Kan Lt.Governor hi mitma lai a awm lo viau e. Kum khat thil thuah thei tak a zuan theih loh tih i hria ang u. A tlangpui thuin a lawnawm hle a ni.

**PU VAIVENGA
MINISTER:**

Pu Speaker, kan Lt.Governor thusawi sawihona leh hun rei lote chung a thiltih (Govt.) sawi hona kan nei hi a lawnawm hlein ka hria. Thil lian tak kan han beisei a, Mahse a hun leh a hman kan ngaihtuah a ngai a, Mipui te pawhin kan ram tan a ni tih kan hriat a ngai a ni. Isua pawhin "Mi khawngaih thei tak te chu an eng a thawl e, khawngaih an la hlawh dawn si a" a ti a. Khawngaih thei takte chauh a huan a, hei hi min fuhna tha tak a ni a.

Chanchinbuah khan thu kan hmu a, mahsela official in engmah hmu kan nei lova. 66K.V. Silchara ni makumah Aizawl thlang tura tih a ni. Mahsela chu chu long term plan nghah nan power lo lak pen a ni a, tan lo lak chu a tha zawkin ka hria a, Deputy Commissioner in thlan chungchangah chuan a bul kan tan chauhva kan hlanthawng hle reng a. Khatiang thil kha a awm lo thei lova, engpawh nise a lawnawm hle a, Sorkar tha tak an din sian ng-ei pawh ka beisei a.

Medical lamah chuan transfer leh appointment chungchangah chuan public interest a ni em tih leh Staffte committee ngaihtuah a ni - mimal duhsakna a awm lova.

Education - Primary Teacherte kha examna a tanga lak an ni a, Venghlui a ni kha a sang bik hle a, a tih that fal bik em avangin kan ringhlal a. Kan ko leh a, a lo thiam reng a ni tih kan chhuak a, thingtlang lamah a kal tur a ni tih a ni a - Khawzawlah awn tur a tih a ni nghe nghe a, tunah Aizawl a awn turin a rawn dil a, chu chu ngaihtuah mek a ni. Medical Deptt. ah chuan dandawi thawnah kan buai hle a. Private Contractorte kan ruai a, hma kan sawn sawt hle a ni, a tirah chuan O point atangin kan tan a ni berin ka hria a. Tunah chuan kan din-hmun a ziaawn tawh hle in ka hria. Kan mite chungah ka lawm hle a ni.

PU CH. CHHUNGA

CHIEF MINISTER: Pu Speaker, kan Lt. Governor zahawm tak thusawi chungchangah lawmthu sawi kan bat dante helaia sawi hana lo awnte hi a lawmawm a. Budget hawna a kan Lt. Governor thusawite hi thudik tak vek an ni a. Dik tak chuan kan ram kal dan tur pawh a lang thei a. Member thenkhatin an han sawisel a, enggemaw chenah chuan a dikna lai lai te pawh chu a awm a ni thei e. Plan chungchangah te chuan nei erh-urh ta ila kan ti duak duak turah kan ngai a ni awn e. Plan ang chuan awn ta zar zar ila chuan hma kan sawn hle ang a-Hei Five Year Plan tihah te pawh hian Mizoram chuan hma kan sawn ve deuh deuh changte pawh a awn thei ang a. Plante hi hetia han thutkhawm a han sawi ang mai hi a ni lo duh thin a, ngun tak a ngaihtuah a chik taka ngaihtuah a tha a, expert-te pawh ngaihtuah a ngai thin a ni.

Tin, kan ngaih pawimawh tak mai pakhat - Agriculture a ni : Thlai chi hrang hrang hre thei, Expert an lo kal hunah kan ngaihtuah anga. Khawilai hmun nge chumi thlai chuan a ngeih tihte enfiah turin Expertte chah mek a ni a, mahse, vawin ni thleng hian an lo la kal lova. April thla hian mi pahnih lo kal an tum nghe nghe a.

Tin, Horticulture lamte hian han sawi leh ila: Pakistan lam an lo indan khan, Syhlet lam kha Pakistan lam a an han then tak khan, kan ram tlawngdung serthlun rahte chu a tawih zo a nih kha. Silchara mite ringawt chuan kan serthlunte chu min lei sak senglo. Thenkhat han ngaihdan a a biling a balanga kan kal hi a tha lo, finkhur tak a kan kal hi a tha fo a ni. Nipun (1972) October thlaah Budget Session kan nei theih chauhva, Staff te pawh kan nei zung zung thei mai lova. Kan hriat theuh angin Secretaryte pawh L.D.A./U.D.A pakhat chauhte non an thu a ni.

Tin, kalkawng lam hi han sawi leh lawk ila: Tunah hian Kawng pasarih an lai a, survey te pawh an bei mek a. Kan chetnaah chuan mita hmuah theihin kan ram hian hmasawna a ngah hle tawh a ni.

Tin, C.D. Block chungchang thu an han sawinaah Politics thil a tel a ni te an han ti a. Saitualte an han sawi a, Saitual chu tuhna lawm pawh a Block Headquarters 9 kan nei thin a, tunah Block 20 ah siam a lo ni dawn ta a. Chuvangin Bial 10-ah then a lo ngai ta a. Saitual chu Block Hrs-ah han dah leh dawn

ta ila, Baktawng te Thingsulthliante chu bial khat an lo nih si chuan, Baktawng khaw tan kha chuan Saitual chu a hla viau mai thei a, chu ai chuan Thingsulthliah chu a lai hlein hriat a ni. Saitual tan pawh Thingsulthliah chu a hla lova, Chuvangin, Thingsulthliah chu a awm zawm awm mang e a tih theih.

Tin, Darlung te an han sawi a, hei pawh hi Reiek chu a awm hle zawk a ni ang e a tih theih a ni. Darlungah chuan han dah ila, khaw thenkhat tan chuan a hla tham viau dawn a, chuvangin, a laili deuh thlira dah hi tihawm tak a nihna lai a awm a ni. Politics avanga hetiang thiltih ang a sawi hi a dik lova, pawl ka ti ngawt mai.

Tin, Education lamah hian L.P. Teacher hna lak thuah te chuan kan ti lai viau a ni ang. Congress Party a mi an vui a, Mizo Union Party a mi an vui bawka, chuvangin an vui ve ve a, a lai viau a ni ang.

Tin, India sorkar hian min hmusit ta em ni tih te pawh Member thenkhatin in han sawi a. Hmusit awmlo tur a kan tan ho hi a pawlmawh reng a ni. Thil ti tir kan ni a, duhthu zawng kan san lo pawh a ni ang e. Plan kan han siam a, thawktu kan nih loh vang ngawtte hian in sawisel en hian kan in en mai mai te pawh hi a ni mai thei bawka a ni. Plan kan han siante hi Central lama mite chuan an lo thlirin an lo exam ve thin a ni a, chutiang chungte pawh chu hun a rei kan ti mai thei bawka a ni. Tin, Police lamte pawh tunah chuan an renti tawh nghe nghe a, a maherawh chu, kan duhthusan ang chu an renti thei lo a ni.

Assam sorkar hnuaiyah hun rei tak chung kan awm a, buaina eng engemaw kan tawh neuh neuh reng a. Tunah hei kan ram chu Status hrangin kan lo awm ve ta a. Chutiang kan nih tak avang chuan Assam sorkar chuan kan ram chung a sorkar hna-thawh thenkhat te chu thiar chhuah a lo ni ta a. Thingtlang lam te phei chu a ruak hiai huai mai a ni a. Blockte pawh kan nei tawh lova, Development lam hna kan thawh thei tawh lova. A.O.-te lo ni thinte pawh chu an hna ngaiyah dah loh tur an ni a, thenkhatte pawl chu an kir leh nual tawh a. A.O. thenkhatte chu Agriculture Officer te an ni a. Tunah A.O. tharte chu lak an lo ni ta a, an hna te pawh an zawm nok zel a ni.

Kan sawi tawh ta viau bawka a. Helaiya ka han sawi te hi kan kulhmang leh kan kal dante chu a ni a. Khang ka han sawi lan tak te kha kan harsatnate chu a ni. Pu Speaker, ka duh tawh tawh mai ang e.

Tin, Agriculture Loan ka han sawi anga: Thenkhatin, "Nikum puk si, engatinge kumin a min thin leh mai" an ti a. A tih theih viau reng a. He thil hi ngun deuhva ngaihtuah a tha a, Loan hi pek leh loh tur a ngai an awm, chuvang chuan a tul leh mamawh vak lote pawhin an lo puk ve mai a, a thlawn a ei tur anga an in ngaih a vangin.

M.L.A. pakhatin rull leh ngei tur a ni ti a sawina ah chuan, mi pakhat chuan "Ka puk kha ka la nei a, ka puk vek khan ka rul leh mai ang" ti te pawh an awm a ni awm e.

Chuvangin, a in thlahdah zawng leh a thatchhe zawngin kan awm mai ang tih a hlaubawm hle mai.

Sawrkar chu kan in ang bawk a, chuvangin a nep zawng hlira in zirzirte hi tih awm chi pawh a ni lova. Congress President leh Mizo Union President pawhin mipuite hnenah pe leh turin an ngen a nih kha. Kan Lt. Governor-in a sawi angin kan kalna apiangah pe leh turin sawi thin ila. Nikuma buh phur 20 thar khan Phur 5 emaw a rul tlak mai thei ang chumi a pek a vang chuan a ei chhung ni 4 emawin a tlem ang a, a mah leh amah a in kir dawn tawh a ni. A pe thei leh a rul thei ten an ruh loh chuan, mirethei zar an zo dawn a ni. A rul thei lo leh a pe thei lo ngang erawh chu phat dante pawh a awm ang a, a tihdan chu a awm a ni. Member ten nin pui turin ka han sawm duh che u a ni. Ka sawi tawh ang khan Lt. Governor thusawi pawh hi kal dan tur tam tak a awm lo. Plan te pawh sian a la awm meuh lova. Hei hian kan sawrkar harsatna a ti lang viau a ni. Mipui hmaa (hnenah) thusawite hi thudik tak kan sawi hi a tha a ni.

SPEAKER: Kan sawi tawh ang reng ta viau va, a tlangpui kan hre chiang ta hle a, kan motion tih felna kan nei ang a - (Motion a chiar a) (Pu J. Thanghuama: Pu Speaker, he Motion hi vote kan lak dawn chuan lungawi lohna entirnan kan chhuank ang e) (Opposition Memberte an chhuaka) Aw le, he motion hi pass duh apiangin 'Remti' ti ru le. (Memberte: Remti). Tunah chuan kan chawl tawh rih ang a, naktuk dar 10ah kan tan leh ang.

Meeting adjourned at 1:35 P.M.

Sd/- B.T. Sanga,
Under Secretary,
Legislative Assembly
Mizoram.